



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KТРО 0025006 24  
Sarajevo, 08.11.2024. godine

SUD BOSNE I HERCEGOVINE  
SARAJEVO

Sudiji za prethodno saslušanje

Na osnovu odredbi člana 35. stav 2. tačka i) i odredbi člana 226. stav 1. u vezi sa odredbama člana 227. Zakona o krivičnom postupku Bosne i Hercegovine (u daljem tekstu ZKP BiH) podižem:

OPTUŽNICU

Protiv osumnjičenih:

1. Amir Gaši, [REDACTED] rođen [REDACTED] 1979. godine u Čapljini, opština Čapljina, [REDACTED] državljanin Bosne i Hercegovine, [REDACTED]
2. Davor Jović, zv. „Bugi“, [REDACTED] rođen [REDACTED] 1971. godine u Čapljini, opština Čapljina, [REDACTED] državljanin Bosne i Hercegovine i Hrvatske, [REDACTED]
3. Vlado Čolak, zv. „Popo“, [REDACTED] rođen [REDACTED] 1963. godine u mjestu Donji Mamići, opština Grude, [REDACTED] državljanin Bosne i Hercegovine, [REDACTED]

4. **Mirko Grgić**, [REDACTED] rođen [REDACTED] 1973. godine u Mostaru, opština Mostar [REDACTED] državljanin Bosne i Hercegovine, [REDACTED]

zbog postojanja osnovane sumnje da su:

u vremenskom periodu od polovine aprila 2022. godine do avgusta 2022. godine, a radi pribavljanja protivpravne imovinske koristi nabavljali i stavljali u promet akcizne proizvode - cigarete, što je u suprotnosti sa članom 25. Zakona o akcizama u Bosni i Hercegovini, jer iste nisu bile obilježene kontrolnim poreznim markicama, a koji proizvodi se na osnovu člana 6. stav 1. tačka a) Zakona o akcizama u BiH (Službeni glasnik BiH, broj: 49/09, 49/14, 60/14, 91/14 i 50/22) smatraju duhanskom prerađevinom, koja se u smislu člana 4. stav 2. tačka b) Zakona o akcizama u BiH smatra akciznim proizvodom i kao takva, prije stavljanja u promet, mora biti obilježena akciznim markicama na način propisan poreznim zakonodavstvom BiH, tako da su međusobno i u dogovoru sa drugim njima poznatim licima ugovarali kupovinu, prodaju i posredovali u kupoprodaji akciznih proizvoda - cigareta, te organizovali prebacivanje, skladištenje i njihovu dalju distribuciju njima poznatim osobama, a na način da su:

**Amir Gaši, Davor Jović, Vlado Čolak i Mirko Grgić- zajedno**

1. Tačno neutvrđenog dana u periodu od polovine aprila 2022. godine do avgusta 2022. godine osumnjičeni Davor Jović i Amir Gaši stupili u kontakt sa osumnjičenim Vladom Čolakom kojom prilikom je postignut dogovor da im Vlado Čolak isporučuju razne vrste cigareta u neutvrđenim količinama, a koje nisu bile obilježene kontrolnim i poreskim markicama na način propisan poreznim zakonodavstvom Bosne i Hercegovine, da bi taj dogovor bio realizovan na način što bi putem mobilnih telefona koje su osumnjičeni u to vrijeme koristili dogovarana količina, vrijeme i mjesto isporuke, a to bi najčešće bilo na putnoj komunikaciji između Čapljine i Gruda u blizini Međugorja, gdje bi nakon preuzimanja tih cigareta Amir Gaši i Davor Jović iste transportovali do mjesta Višići, opština Čapljina, radi skladištenja i čuvanja istih na njima poznatom mjestu, koje bi isporučivali njima poznatim osobama naručiocima-kupcima sa područja Čapljine i šire, a između ostalih i Mirku Grgiću, koji bi zatim akcizne proizvode-cigarete sa svojim putničkim motornim vozilom transportovao preko državne granice Bosne i Hercegovine u Republiku Hrvatsku, te prodavao njemu poznatim osobama naručiocima-kupcima sa područja Republike Hrvatske, a do takve isporuke je između ostaloga došlo dana 10.06.2022. godine kada je Vlado Čolak isporučio Amiru Gašiju neutvrđenu količinu akciznih proizvoda - cigareta ispred tržnog centra [REDACTED] a dana 28.06.2022. godine po naprijed postignutom telefonskom dogovoru, Vlado Čolak isporučio Amiru Gašiju i Davoru Joviću neutvrđenu količinu akciznih proizvoda - cigareta u mjestu Ledinac, opština Grude, koje cigarete su prilikom transporta na putnoj komunikaciji Grude - Ljubuški privremeno oduzeli policijski službenici policijske uprave Ljubuški.

## Amir Gaši sam

1. Dana 05.05.2022. godine, po prethodnom telefonskom dogovoru, na područje grada Mostara, u garažnom prostoru tržnog centra [REDACTED] sa putničkim motornim vozilom marke [REDACTED], [REDACTED], registarskih oznaka [REDACTED] dovezao akcizne proizvode-cigarete, te prikrivenom istražitelju kodnog naziva [REDACTED] tom prilikom isporučio ukupno 142 šteke cigareta i to: 115 šteka, odnosno 1150 paklica cigareta marke [REDACTED] 15 šteka, odnosno 150 paklica cigareta marke [REDACTED] 12 šteka, odnosno 120 paklica cigareta marke [REDACTED] za šta je dobio novčani iznos od 3.500 konvertibilnih maraka, a koji je navedene akcizne proizvode isporučio nakon prethodno telefonski ugovorenog sastanka prikrivenog istražitelja i lica [REDACTED], koji se nije pojavio na dogovoreno mjesto, već osumnjičeni Amir Gaši, a koje cigarete suprotno članu 25. Zakona o akcizama u Bosni i Hercegovini nisu bile obilježene kontrolnim poreznim markicama;
2. Dana 01.06.2022. godine, po prethodnom telefonskom dogovoru, na području grada Mostara, u tržnom centru [REDACTED] dogovario kupoprodaju akciznih proizvoda-cigareta sa prikrivenim istražiteljem kodnog naziva [REDACTED] kojom prilikom mu je nudio na prodaju akcizne proizvode-cigarete različitih marki i to: cigarete marke [REDACTED] po cijeni od 830 Eura, cigarete marke [REDACTED] po cijeni od 1.055 Eura, cigarete marke [REDACTED] po cijeni od 860 Eura, cigarete marke [REDACTED] po cijeni od 980 Eura, cigarete marke [REDACTED] kopija po cijeni od 590 Eura, cigarete marke [REDACTED] kopija po cijeni od 590 Eura, a koje cigarete suprotno članu 25. Zakona o akcizama u Bosni i Hercegovini nisu bile obilježene kontrolnim poreznim markicama;
3. U vremenskom periodu od 16.08.2022. godine do 18.08.2022. godine, po prethodnom telefonskom dogovoru, nudio na prodaju i dogovario primopredaju akciznih proizvoda-cigareta sa prikrivenim istražiteljem kodnog naziva [REDACTED] kojom prilikom mu je nudio na prodaju akcizne proizvode-cigarete različitih marki i to: cigarete marke [REDACTED] po cijeni od 800 Eura, cigarete marke [REDACTED] po cijeni od 830 Eura, cigarete marke [REDACTED] po cijeni od 920 Eura, cigarete marke [REDACTED] kopija po cijeni od 520 Eura, cigarete marke [REDACTED] tanki po cijeni od 910 Eura, a koje cigarete suprotno članu 25. Zakona o akcizama u Bosni i Hercegovini nisu bile obilježene kontrolnim poreznim markicama;
4. Dana 18.08.2022. godine, u putničkom motornom vozilu marke [REDACTED] registarskih oznaka [REDACTED] koje isti koristi, držao u svrhu dalje prodaje ukupno 433 šteke cigareta (4.330 paklice) akciznih proizvoda - cigareta marke [REDACTED] koje su pronađene i privremeno oduzete prilikom pretresa izvršenog od strane ovlaštenih službenih lica Državne agencije za istrage i zaštitu, a koje cigarete suprotno članu 25. Zakona o akcizama u Bosni i Hercegovini nisu bile obilježene kontrolnim poreznim markicama;

## Mirko Grgić sam

1. Dana 10.06.2022. godine, na Međunarodnom graničnom prelazu Zvirici, općina Ljubuški, između Bosne i Hercegovine i Republike Hrvatske, izbjegavajući mjere carinske kontrole, suprotno članu 48. Zakona o carinskoj politici BiH (Sl. glasnik BiH br. 58/15), preko carinske linije, sa područja Bosne i Hercegovine u Republiku Hrvatsku, u putničkom motornom vozilu marke [REDACTED] registarskih oznaka [REDACTED], koje isti koristi, pokušao prenijeti ukupno 2.999 paklica akciznih proizvoda - cigareta različitih marki i to: 1.500 paklica cigareta marke [REDACTED] 969 paklica cigareta marke [REDACTED] 500 paklica cigareta marke „Corset“ i 30 paklica cigareta marke [REDACTED] koje su pronađene i privremeno oduzete prilikom pregleda vozila izvršenog od strane policijskih službenika Jedinice granične policije Doljani i ovlaštenog službenog lica Uprave za indirektno oporezivanje na Međunarodnom graničnom prelazu Zvirici;

**dakle**, osumnjičeni Amir Gaši, Davor Jović, Vlado Čolak i Mirko Grgić zajednički stavljali u promet proizvode koji nisu obilježeni kontrolnim poreznim markicama na način propisan poreskim zakonodavstvom BiH,

a osumnjičeni Mirko Grgić radnjama opisanim pod tačkom 5. optužnice izbjegavajući mjere carinske kontrole preko carinske linije pokušao prenijeti robu veće vrijednosti,

**čime su** osumnjičeni Amir Gaši, Davor Jović, Vlado Čolak i Mirko Grgić počinili krivično djelo Nedoizvoljen promet akciznih proizvoda iz člana 210a. stav 1. u vezi sa članom 54., a sve u vezi sa članom 29. KZ-a BiH,

a osumnjičeni Mirko Grgić i krivično djelo Krijumčarenje iz člana 214. stav 1. KZ-a BiH, u vezi sa članom 26. KZ-a BiH.

**T U Ž I L A C**  
**TUŽILAŠTVA BOSNE I HERCEGOVINE**